

Txorierriko Lehen Enplegu Azoka, Derioko Kultur Birikan, azaroaren 30ean

Enpresen eta lan bila ari diren edo ibilbide profesionala nola berrorientatu jakiteko informazioa jaso nahi duten gazteen arteko topagunea izango da. EGAZ Txorierrik Gaztedi Bizkaia programaren barruan antolatuko dituen ekitaldietako bat da. Gaztedi Bizkaia Txorierriko Mankomunitateak eta Erandioko Udalak gazteen eta enpleguaren arloan elkarrekin eskaintzen duten programa bat da, Bizkaiko Foru Aldundiaren laguntzarekin.

Derioko Kultur Birika, enpresen eta lan bila ari diren edo ibilbide profesionala nola berrorientatu jakiteko informazioa jaso nahi duten gazteen arteko topagune bihurtuko da azaroaren 30ean. Txorierrir Meeting Point topagunea egingo da bertan, hau da, Txorierriko Enplegu eta Garapen Ekonomikoko Zerbitzuak (EGAZ Txorierrir) Txorierrin antolatzen duen lehenengo enplegu-azoka, Mankomunitateko Gazteria Zerbitzuarekin eta Bizkaiko Foru Aldundiarekin lankidetzan.

Ekitaldia EGAZ Txorierrik Gaztedi Bizkaia programaren barruan gauzatuko diren jardueretako bat da. Gaztedi Bizkaia Txorierriko Mankomunitateak eta Erandioko Udalak gazteen eta enpleguaren ar-

loan elkarrekin eskaintzen duten programa bat da, Bizkaiko Foru Aldundiaren laguntzarekin. Gazteentzako eta gazteen enplegua sustatzeko askotariko jarduerak egingo dira, hala nola 'Ezagutu Aukeratzeko', 'Txorierrir Bekak', 'Gaitasun Tailerrak', nazioarteko bekak, eta gazteen autoenplegua motibatuzeko eta sustatzeko jarduerak.

Besteak beste, nabarmentzekoa da Txorierriko Lehen Enplegu Azoka. Horri esker, eskualdeko prestakuntza-eskaintza ezagutzeko aukera izango da, eta IDDEK Ingenieria bezalako punta-puntako enpresen standak eta Parke Teknologikoko enpresen zenbait ordezkari izango dira bertan. Gainera, mahai-inguru bat egingo

da enpleguaren etorkizuna lantzeko, hainbat sektoretatik begiratuta: ingeniaritza, elikadura eta bioteknologia, besteak beste.

'Gaztedi Bizkaia' programak, halaber, 'Ezagutu Aukeratzeko' ekimena eskainiko du Txorierrin. Ekimen horretako jardueri ekin zaie jadanik, Bigarren Hezkuntzako bigarren zikloko eta Batxilergoko ikasleei enpresa-errealitatea hurbiltzeko eta beren lan etorkizuna bideratzeko eta goimailako ikasketak aukeratzeko laguntzeko. Programari esker, eskualdeko 200 ikasle baino gehiago arituko dira hainbat jardueratan: egonaldiak profesionalekin enpresetan, bisitak enpresetara, mahai sektorialak, profesionalen bisitak ikastetxee-





tara... BTEK jardunaldia ere egingo da, DBHko 3. eta 4. mailan dauden seme-alabak dituzten familiak orientatzeko, eskualdeko prestakuntza eta enplegu-eskaintza ezagut dezaten. Jardunaldi hori azaroaren 21ean egingo da, eta lanbide-heziketako, unibertsitateko, enpresen munduko eta enpleguaren arloko lau hizlarik parte hartuko dute bertan.

Bestalde, EGAZ Txorierri eskualdean kudeatzen duen Global Training programaren barruan, merkataritzaren, ingeniartzaren eta arkitekturaren arloko profila duten zazpi pertsona, azaro eta abendu artean, hasiko dira praktika profesionalak egiten atzerriko herrialdeetan (Kolonbia, Polonia, Txile, Erresuma Batua, India eta Mexiko). Hamar hilabetez egongo dira han. Global Training programa goi-mailako titulua duten gazteentzat da eta aukera ematen die prestatzeko eta esperientzia profesionala eskuratzeko, atzerrian praktikak eginez.

Datozen hilabeteetan, gainera, bi gaitasun-tailer egingo dira hainbat arlotan eragina izateko, enplegarritasunari egokituta eta kalitatezko enplegua sustatzeko aldera. Hala, azaroaren 13tik 16ra bitartean eta abenduaren 11tik 14ra bitartean prestakuntza emango zaie 18-35 urte arteko 8 pertsonako bi talderi, hainbat arlotan: egonkortasun emozionala, adeitasuna, buru-irekiera, adorea eta energia.

*Lan bila dabiltzan
edo ibilbide profesionala
berrorientatu nahi
duten gazteei
zuzenduta dago*

*Gazteen enplegua
sustatzeko askotariko
jarduerak egingo dira:
nazioarteko bekak,
autoenplegua...*

Herritar guztiak genero indarkeriaren aurka, baita azaroaren 25ean ere

Elkarretaratzeak, ibilaldiak, hitzaldiak, gazte eta haurrentzako jarduerak, eta abar. Txorierriko Mankomunitateak guztiok animatzen gaitu azaroaren 25erako antolatutako ekintza ugarietan parte hartzera. Horrela, emakumeen aurkako indarkeriaren kontrako nazioarteko egun horretan ere gaitz horren aurka gaudela erakutsiko dugu.

Azaroaren 25a gero eta egun garrantzitsuagoa da Txorierriko Udalen agendatan. Egun horretan emakumeen eta gizonen arteko desberdinkerien aurka borrokatzeko premia ikusgai jartzen da, horiek baitira indarkeria matxistaren oinarriak. Emakume guztiak eremu publikoan nahiz pribatuan eragiten dien egiturazko indarkeria da; zuzeneko indarkeriaz ari gara, baina baita indarkeria kulturalaz edo sinbolikoaz ere.

1 Txorierriko ENPLEGU AZOKA

Azaroak 30
10:00 - 14:00 **2017**

Kultur Birika • Anboto Plaza, 5 (Derio)

Zure etorkizuna, zugandik urrats batera

MAHAI INGURUA
"Sektore estrategikoak eta Enplegua"
Parte-hartzaileak

Izena emateko:
www.txorierri.eu

Erakutsi zure talentua! Izan zure etorkizunaren protagonista
Topaketak profesionalekin • Bideocurriculumaren standa

Lanbide **ezagutu aureratzeko** **Txorierri** **iddtek** **Derio** **Egaz** **Bizkaia** **E! Erandial**